

ЛЕМКОВСКИЙ
СПЪВАННИКЪ
(ВЕСЪЛЪЕ).

Забравъ

Димитрій Ив. Качоръ.

ВЫПУСКЪ. II

Львовъ. 1921.

НАКЛАДОМЪ: МАРТИ ГАНУЛЯКЪ.

Въ друкарнѣ Станиславскаго Института
подо управленіемъ Ю. Сидорача

ЛЕМКОВСКИЙ
СПѢВАННИКЪ
(ВЕСѢЛЬЕ).



Здбравъ

Д. Ив. Качоръ.



Львовъ 1921.

НАКЛАДОМЪ: МАРИИ ГАНУЛЯКЪ.

Зъ друкарнѣ Ставропигійскаго Института
издѣ управою Ю. Сидорака.



ПѢСНИ ВЕСѢЛЬНІЙ.

Пѣсни весѣльнѣй представляютъ родинне житѣе Лѣмкѣвъ въ его найдавнѣйшихъ звѣчаяхъ. Пѣсни тѣи (яко пѣсни обрядовыи) мають драматичну акцію, въ котрѣй берутъ участь: молодой, молода, ихъ дружина, отецъ, мати, староста, маршалокъ, свашки и подстаросты.

Порядокъ пѣсень весѣльныхъ и образъ весѣлья есть слѣдующій: Весѣлье зачинаеся

У М О Л О Д О И

т. з. „Доброю ночью“ и вѣнкоплетинами, на кетрихъ зъ одной стороны присутвуетъ молода зъ запрошенными нею дружками, а зъ другой стороны молодой зъ дружками и музыкою, въ супроводѣ маршалка.

Въ часѣ забавы, яка въ ту нѣчь вѣдбуваеся — дружбы и дружки спѣваютьъ розличного рода пѣсни.

Кѣлька такихъ пѣсень:

Д р у ж б ы :

Остатне перко мамъ съ шолтысого поли,
Што ми го вывила наймиленьша моя.

Моя фразречко, вывій ми перечко,
Вывій ми зелене, а на пѣвъ червене.

Д р у ж к и :

Вывиламъ перечко, але ти ге не дамъ,
Во на твою мамцю доброй волѣ не дамъ.

Чомъ же ты не пришовъ, якъ емъ ти казала,
Гнесъ мое перечко, быстра вода взана.

Дружбы:

Неедна рыбонька но-пѣдъ мѣсть перешла,
Ищи я не видѣвъ, жебы перко несла.

Дружки:

Мѣй любый фразрю я тобѣ не вѣрю,
Ца ты мене мозьмешъ, якъ я ся встарѣю.

Дружбы:

Фразречко моя можешъ ми вѣрити,
Же я ты на старѣсть не буду любити.

Дружки:

Къедъ ты добрый Ячикъ, не ходъ на весѣля,
Най ты жадна дѣвка не ма за фразря.

*

Але ты Ячикъ, возми мя —
Буде зъ мя добра газдыня,
Я буду ѣсти, варити,
И бѣлу посцѣль стелити.

Ходивъ до насъ и сесъ и тотъ,
Все вамъ носивъ кубя нитокъ; —
Кто ты просить и зъ нитками,
Якъ не придешь зо сватами.

На другій день ѣде молодой зъ весѣльною
дружиною¹⁾ до дому молодои, где та дружина
выводить его и молоду середъ прекрасныхъ спѣ-
вѣвъ до сѣюбу.

Въ дорозѣ (до молодои) спѣвають:

Свашки: 1. Выберайся сыну въ щасливу годину
По добру газдыню, по гарду дѣвчину.

2. Ой Боже, Боже, якъ дойджижъ иде,
Якъ же не пѣти, — сама не приде.

¹⁾ пѣдъ весѣльною дружиною розумѣсь тутъ ста-
роста вес., маршалокъ, дружбы, свахи и пѣдстаросты.

Ой Боже, Боже, яка застава,
Якъ-же не по́ти, — сама казала.

(если въ зимѣ вестѣлье):

Ой, Боже Боже, яка курява,
Якъ-же не по́ти, — сама казала,

Дружбы: 3. До миленькой блато,
Я не дбамъ начь на то,
Преложу два дручкы,
Прейду по малючкы.

Засвѣтъ мила свѣчку,
Най перейду рѣчку;
Засвѣтъ мила зо двѣ,
Най перейду добрѣ.

Дружбы: 4. Кой емъ ишолъ отъ свой мжлой,
Былъ мѣсятокъ високо,
Мила на мя зазерала,
Ци-мъ одѣйшолъ далеко.

Она мене закликала
До матери до своей,
Наляла ми пугарь вина —
До рученьки до мойой.

Я си хлопецъ справедливый,
Я то винце не хцу пиць,
Што разъ гардша, што разъ красша,
Моя мила мусишь быць.

Передъ хатою молодон:

Свашки (до молодого).

Отворь мила, отворь, бомъ ту давно не былъ,
Бо я твои двери отворяти забылъ.

Отворь-же ми мила малюваны врата,
Жебымъ сой не зломивъ перечка зо злата.

Бо якъ бымъ сой зломивъ одну галузочку,
Тобысь южъ не была мойомъ фраѣрочкомъ.

Ищимъ ся не мысливъ въ томъ рочку женити,
Мусѣлась ми мила, штоси поробити.

Весѣльна дружина (хоръ):

Пусте же насъ пусте, або намъ отворте,
Най ту не стоимо на вашомъ подворци.

Пусте же насъ пусте, бо насъ слотонька збила,
Бо насъ слотонька збила, ноги намъ помочила.

Свашки: Зъ далека сме прїѣхали,
Конѣ ся намъ полюпали —
Потребны намъ ручнички,
Повтерати конички.

Якъ мы тадыль ходжували,
Дѣвчатко-сме виджували, —
Все равенько вставала,
На ручники прядкала.

(коли никто не отвирае дверей)

Весѣльна дружина:

Пусте же насъ пусте, або намъ отворте,
Най ту не стоиме на вашомъ подворци.

Зналась ты дѣвчатко, же ту прїйдуть свашки —
Было повѣшати ручники на дашки.

Отвирае доматаръ замкненны двери и цѣла
дружина входитъ до хаты;

Въ хатѣ свашки спѣвають до „короваря“¹⁾.

А нашъ любый короварю,
Точишь ся намъ коло гаю,
Коло гаю, коло воды,
Ажъ до вашей панѣ млодой.

Весѣльна дружина, усѣвши за столомъ,
высказуе цѣль прибутя:

Пришли мы ту пришли, сѣли на лавицу,
Дайте же намъ дайте нашу молодицу.

Бо мы ту не пришли по хлѣбъ, по згорѣвку,
Але мы ту пришли до вѣтця по дѣвку.

¹⁾ есть то кий въ родѣ колотовки, приздоблений
цѣфтами и барвными лештами; мае вѣроятно обозначати
прапоръ весѣльной дружины.

Бо ми ту не пришли по бѣлу Елену,
Але мы ту пришли милому по жену.

Не будеме пити тоту гѣрку воду,
Покаль намъ не дасте нашу павю млоду.

Не будеме пити тоту суровицу,
Покаль намъ не дасте нашу моледицу.

(Дружина вѣдъ молодого кличе молоду).

Выходъ мила, выходъ, зъ той новой коморы,
Выношай, выношай, вѣнокъ барвѣнковый.

На сей призывъ весѣльной дружины впроваджае „доматаръ“ (зъ коморы) кѣлька дѣвчатъ по черзъ, кажучи пѣзнавати молоду. Понеже мѣжъ нимъ нема молодой, староста весѣльный завертае всѣ тѣ дѣвчата, жадаючи впровадження правдивой молодой. Въ часъ того вес. дружина повторяе все послѣдну строфу: „Выходъ мила, выходъ“...

Коли наконецъ „доматаръ“ впровадитъ молоду, спѣвають:

Свашки:

А выйдъ же ты пане млодый зъ за стола,
Обернися зъ пальомъ млодомъ докола.

Молодой при спѣвѣ и музыцѣ обертаеся кругомъ зъ молодою, а потѣмъ впроваджае ю за стѣлъ)

За молодою впроваджае „доматаръ“ дружини:
„старшу и млодшу.“

Свашки спѣвають:

А выйдъ же ты дружбо старшій зъ за стола,
Обернися зъ дружкой старшомъ докола.

Потѣмъ:

А выйдъ же ты дружбо млодшій зъ за стола,
Обернися зъ дружкой млодшомъ докола.

(Дружбы идуть за примѣромъ молодого).

За столомъ пришивае молода вѣнокъ бар-
вѣнн вий" до капелюха молодого, а дружки
дружбамъ — цвѣты („пера“).

Въ ту пору, спѣвають свашки:

Она му вынесла обѣлятый златомъ¹⁾
Дала миленькому, жебы ей взявъ за то.

(за молоду):

Сламя собѣ за крякъ, спѣвамъ собѣ сякъ-такъ,
Теперь мѡй миленькій за вѣночекъ запласть.

Молодой дарить молоду грѣшми; свашки
спѣвають дальше:

Хощь бысь ми насыпавъ пѣнязи якъ маку,
Та ты ма вѣночка не сплатишь до знаку.

Вес. дружина одержавши свое годится на все:

Южъ будеме ѣсти, южъ будеме пити,
Бо южъ сте намъ дали, по што сме ту прійшли.

Южъ будеме пити тоту гѡрку воду,
Бо южъ сте намъ дали нашу паню млоду.

Южъ будеме пити тоту суровицу,
Бо южъ сте намъ дали нашу молодицу.

Свашки (до матери):

Просиме мамусь до насъ,
Одберте дары отъ насъ,
Бо дары наши бѣлы,
Цѣлоѡй свадьбонцѣ милы.

Дѣвчата (що прійшли придивлятися весѣлю):

Нее мамоньки дома, бо пошли до Кракова,
Порційки куповати, сваненькы честувати.

Свашки: Ой дома она, дома,
Стоить тамъ за дверями,
Стоить тамъ за дверями,
Черкають сой ключиками.

¹⁾ разумѣется: вѣночекъ.

Входить мати и вѣдбирае вѣдъ свахъ „дары“
(хлѣбъ).

Свашки спѣвають:

Треба бы намъ треба пояса бѣлого,
Жебыме познали пана молодого.

Мати спасуе молодого хусткою¹⁾.

Свашки просятъ дальше:

Треба бы намъ треба едвабной хусточки,
Жебыме втерали надобны гамбочки.

(Староста, маршалокъ, свашки и пѣдстаросты
достають хустки²⁾).

Выбираючись до слюбу, вес. дружина
просить:

Треба бы намъ треба стѣльца широкого,
Во наша дѣвчина роду великого.

Роду великого, стану малженьского,
Треба бы намъ треба стѣльца широкого.

Коли у молодой нема матерп, то по тѣмъ
строфѣмъ весѣльна дружина додае:

1. До стѣльца сѣдати, мамусѣ не мати,
Приходѣ мамусѣ зъ неба, бо ты гнесѣ ту треба.
2. А выйду, я выйду, сѣ дрѣбнымъ дойждемъ впаду,
Бѣля дороженьки, тамъ я собѣ сяду.
3. А зыйду, я, зыйду, буду позерати,
Якѣ си моя дѣвка буде гнесѣ слюбѣ брати.

(Коли никто не приносить —):

Треба бы намъ треба барылочку вина,
Жебы намъ ся зѣйшла до стѣльца родина.

¹⁾ знакъ молодого; носить го молодой ажъ до за-
чѣпченья молодой. Мати хоче звычайно опоясати моло-
дому руки, щобы (якѣ кажутъ) не бивъ жѣнки; молодой
тогда (если хоче) пѣдноситъ руки въ гору.

²⁾ отличный знакъ весѣльной дружины.

Коли доматаръ поставитъ середъ хаты сто-
лецъ и родина молодон на лемъ усяде:

Ищи сме не дали барылочку вина,
А южъ ся намъ зѣшла до стѣльца родина.

Дружбы держачи, въ рукахъ горѣючи
свѣчки, стають въ дверяхъ и зарубують топорки
въ стовпахъ. — Весѣльна дружина звертаеся до
музыкѣвъ и до молодон:

Грайте гудацы рѣзко,
Кланяйся дѣвонько низко,
Якъ вѣтцевъ такъ мамоньцѣ
И цѣлѣй родиноньцѣ.

Молодой и молода кланяются родинѣ и про-
сятъ благословенія.

Свашки спѣвають:

Прошу васъ мамусю презъ Христовы раны.
Благословте же мя Боскими словами.

(Вѣдъ вѣтця и матери):

Няньюсьо такъ мовить, мамуся такъ мовить:
Най ты, моя дѣвусь, Панъ Бѣгъ благословить.

(Коли мати плаче):

Повѣдалась мамусь, же ся мя не збудешъ;
Я ти повѣдала, же плакати будешъ.

Весѣльна дружина съ молодымъ и молодою
выходить на подвѣрье передъ хату. Мати моло-
дон кропитъ всѣхъ свяченою водою и обсыпаетъ
вѣвсомъ¹⁾ Потѣмъ рушае цѣла дружина въ по-
хѣдъ до церкви на слюбъ. Въ дорогѣ спѣвае ров-
личного рода пѣсни.

¹⁾ дѣлае она то для того, чтобы молодымъ на будущее
(коли будутъ провадити господарство) всегда обильно
родилось збѣже; въ тѣй то цѣли такожъ, идучи до слюбъ,
бере молода съ собою троха збѣжа и хлѣбъ (котрый
пѣаднѣйше свашки, повернувши зѣ слюбъ, складають ма-
тери, яко „дары“).

Кольеа такнхъ пѣсенъ:

Свашки: 1. Въ лѣсѣ ружа проквітала,
Мати дѣвну заплѣтала.
Не заплѣтай мамусь твердо,
Бо не буду дѣвкомъ довго.

Чи я будешь, моя дѣвусь?
Яничкова, моя мамусь.
Якъ го будешь называти?
Драга душо, квітку златый!

Дружбы: 2. Боже, Боже, Боже любый,
Кто-жь то ми миленьку любивъ?
Жебы я знавъ, кто ей любивъ,
Заразъ бымъ му зуби выбивъ.

Свашки:

3. Дякую Ти Боже, и свойой мамоньцѣ,
Же я свѣй вѣночокъ южь лишу въ церковцѣ.

Тѣшитя родина, вшитникъ емъ втѣшила,
Бомъ своимъ родичамъ ганьбы не зробила.

4. Не вѣрь парѣбкови, хоць вѣнъ ся ти божишь,
Покаль ти на престѣлѣ два пальцѣ не зложитъ.

П о с л о б ѣ

вертае цѣла весѣльна дружина до молодои¹⁾.
Въ дорозѣ спѣвають

¹⁾ Въ гденотрихъ сторонахъ Лемибщины по сю-
бѣ молодой и молода розлучаются и идуть до своего
дому. До перва вечеромъ выбираеь молодой съ несѣль-
ною дружиною до дому молодой, де мусить пѣванати
молоду.

Где то дѣсь (т. е. де по сюбѣ молодой и молода
розлучаются), тамъ всѣ пѣсни, почавши вѣдъ: „Отворъ
мила, отворъ“ ажъ до: „Треба бы намъ, треба, едвальной
хусточки“ (т. е. стор. 5—9) спѣвають по сюбѣ. На-
лежитъ при томъ замѣтити, що пѣсь: „Выходъ мила, ви-
ходъ, зъ той новой коморы“... спѣвають тогды не на мѣст-
цѣ, такъ якъ молодой повиненъ бы достати „вѣночекъ бар-
вѣнковый“ передъ олюбомъ.

Свашки:

Дякую-жъ Ти Боже и свойой мамоньцѣ,
 Же я свой вѣнчочкъ лишила въ церковцѣ.

Дружбы (щобы докучити молодой):

Такъ омъ присѣгала, ажъ ми ноги стерпли,
 Же ты не опуцу, миленькій до смерти.

Якъ ишовъ до слюбу, вѣрно ми слюбувавъ,
 А якъ ишовъ зъ слюбу, южъ иншу любувавъ.

Свашки (щобы докучити молодому):

Дякую Ти Боже, же я южъ по слюбѣ,
 Обернуса къ хлопцямъ, не къ тобѣ, Козубе¹⁾.

Щобы оправдати свой и дружбѣвъ жартъ
 и высказати щирю любовь звѣчныхъ, свѣвають

Свашки (вѣдь молодого и вѣдь молодой):

А мей миленька, подме до костела²⁾;
 Я съ тобомъ не поду, бо я была вчера.

(Дружбы стрѣляютъ зъ пистолетѣвъ. Свашки
 звертають имъ увагу).

Панове дружбове, помалу стрѣляйте, —
 Соломаны стѣхи, лемъ ихъ не запальте.

Зѣ спѣвомъ задержуеса дружина передъ хва-
 тою молодою.

Хоръ: Пуэте же насъ пуэте,
 Бо нисъ гевъ не дуже,
 Еденадцетъ сватѣвъ,
 Дванадцетъ гудакѣвъ,

¹⁾ Козубъ-Кострубъ, Кострубно, о якомъ спѣва-
 еся въ „Гадкахъ“, означае бога тмы и зимы; тутъ сва-
 шки мають на гадцѣ „мерзеного старца“.

²⁾ Назву „костель“ (а не „церковь“) спотыкаемо въ
 многихъ лемковскихъ пѣсняхъ; дае намъ то подставу
 до гадки, що въ дуже давныхъ часахъ на лемковской
 сторонѣ было много костелѣвъ протестантскихъ (акъ те-
 перь на Словачинѣ), о якихъ и нынѣ въ народѣ много
 оговѣданъ, що тутъ або тамъ „запався“ въ землю який то
 костель.

А и двѣ сваненькы.
Обѣ молоденькы.

(Коли никто не отвирае дверей).

Хоръ:

Пусте же насъ пусте, або намъ отворте,
Най ту не стоиме на вашомъ подворци.

Коли дружина выкажеся „вымагаными паспортными“, доматаръ впускае ю до хаты.

Въ хатѣ въ ту пору сидятъ дѣвчата за столомъ; коли дружина появится въ дверяхъ, спѣвають:

Не ступиме ся зъ кута, покаль не дате дукать,
Дуката червоного, отъ пана молодого.

Молодой дае дѣвчатамъ гроши, що уступаютъ изъ за стола, а ихъ мѣстце занимае дружина;

Дружина коли въ хату входитъ, спѣвае:

Ой тяжкій, тяжкій, тотъ станъ малженський,
Ой ищи тяжшій, якъ камень млынскій.

Бо камень млынскій оберне вода,
А станъ малженський — жадна пригода.

Свашки усѣвши за столомъ, просятъ въдобрати „дары“.

Просиме мамусь до насъ, отберте дары отъ насъ,
Бо дары наши бѣлы, цѣлой свадьбонцѣ милы.

Дѣвчата:

Нее мамоньки дома, бо пошли до Кракова,
Порційкы купувати сваненькы честувати.

Свашки:

Ой дома она, дома, стоитъ тамъ за дверями,
Стоитъ тамъ за дверями, черкаты сой ключиками.

Входитъ мати и вѣдбирае дары, дякуючи:

„Дары ми суть милы, а цѣле застоля ми
ищи мильше“.

Слѣдую угощенье дружины и гостей.

Въ часѣ того, спѣвають:

Свашки:

Выховалась мамусь для милого жену,
Теперь же достаите курочку печену.
Курочку печену, ворѣвку смажену,
Восѣ намъ выховала для милого жену.

(Если бы нмѣ не дано —):

Выховалась мамусь миленькому жену.
Алесѣ намъ не дала курочку печену.
Курочку печену, палюнку смажену,
Лемѣ есѣ рыхтувала для милого жену.

Потѣмъ спѣвають пѣсни розличного рода:

Дружбы:

1. Южѣ емѣ ся оженивѣ, южѣ буду свою мавѣ,
Южѣ я васѣ дѣвчата не буду любувавѣ.
2. Южѣ емѣ ся оженивѣ, южѣ ми по весѣлю.
Таку емѣ жену ваявѣ, якѣ бѣду лелію.
3. Ци тебѣ дѣвчатко каты змалювали,
Же до твого личка такой красы дали.

Дружки:

Не каты, не каты, але Панѣ Вѣгъ зѣ неба.
Во до мого личка такой красы треба.

4. Била мя мамуся, тай наказувала,
Жебымѣ собѣ вѣнка добрѣ пильнувала.
5. Посмотрѣ-же Яничку по собѣ, по собѣ,
Ци ладна кошулька на тобѣ, на тобѣ.

Дружбы:

Ой ладна есѣ ладна, бо такѣ мае быти,
Можешь мя миленька, можешь мя любити.

6. Дѣвчатко-квіточокѣ, десѣ дѣла вѣночокѣ?

Дружки:

Ходиламъ ся мыти, впалъ ми на ярочокъ.

Дружбы:

Доставай, доставай, правомъ ручкомъ до дна,
То ты го дѣстанешъ, кѣдъ го будешъ годна.

Дружки:

7. А теперъ ми, теперъ, по розумѣ дало.
Якъ ми на головѣ вѣночка не стало.

Дружбы:

8. Добремъ уробилъ, жемъ ся оженивъ
Жена пѣде до работы, я сой полежимъ.
Я сой полежимъ, пѣдъ перинечкомъ,
Жена пѣде до работы и съ кухаречкомъ.

Дружки:

9. А теперъ ми, теперъ, на мысль приходитъ,
Ходила бымъ дѣвкомъ, якъ ся ми не годить.
10. А нянюсь мѣй нянюсь, мѣй золотый пташку,
Выховалисте мя на бѣдоньку тяжку.
На ту бѣду тяжку, на велику цноту,
На велику цноту, людямъ на роботу,

Дружбы:

11. Дармо дѣвко, дармо, запряглась ся въ ярмо,
Южъ го не выпряжешъ, ажъ до гробу ляжешъ.

Дружки:

12. Ховалась мя мамусь, якъ бѣлу лелію,
Я ти впровадила до хижъ компанію.

Свашки:

13. А наша мамуся добра до хованя,
Выховала дѣвку, яко малюваня.
А наша мамуся добра до прихѣвку,
Выховала дѣвку на гусячѣмъ пѣрку.

Дружбы:

14. Южъ емъ ся оженивъ взявъ емъ сой женичку,
Взявъ емъ собѣ тягаръ на свою главичку.
15. Южъ емъ ся оженивъ, то южъ вшитко дармо,
Южъ емъ собѣ затыгъ того тяжелой ярмо.

По вечера староста весѣльный проситъ всѣхъ
гостей выйти на танецъ (до сѣни або на бойско).

Свашки спѣвають:

Возми мя на танецъ мѡй любый Яничку,
Такъ ся ти оберну, якъ на тареличку,

Выходятъ — молодой съ мололою, дружбы
зъ дружками, пѡдстаросты зо свашками, а за ни-
ми инши гости.

Свашки: 1. На нашѡй оборѣ краснѣ грають,
Порѡбцы зъ дѣвками танцують,
Иде пара за паречкомъ,
Каждый си танцуе зъ фразечкомъ.

Бодай вы парѡбцы ката зѣѣли,
Же вы мя на танецъ не вывели,
Ой бо я бы танцовала
И до гусель дала гудачкови.

2. Тамъ на горѣ сигота,
Пасло дѣвча — червена ружа,
Дробна фїялка — ягнята.

Вкопало сой кореня
Зъ пѡдъ сивого — червена ружа,
Дробна фїялка — каменя.

Варила го въ молоцѣ,
Жебы пришли — червена ружа,
Дробна фїялка — молодцѣ.

Ищи корень не скипѣвъ,
Южъ паробокъ — червена ружа,
Дробна фїялка — прилетѣвъ.

А чогось ты прилетѣвъ,
Кой ты мене — червена ружа,
Дробна фіялка — не хотѣвъ.

А што ты ту принесло,
Ци помело — червена ружа,
Дробна фіялка — ци весло.

Принюсь мя ту сивый кôнъ,
Будешь моя — червена ружа,
Дробна фіялка — а я твоѣ.

По танцахъ вертають въ хату.

Свашки (спѣвають):

Была бы я, была, премилена свашка,
Кобы ми стояла зо зорѣвковъ флашка.

Была бы я, была, свашка премилена,
Кобы ми стояла зорѣвка варена.

Але якъ студена, то о то не стою, —
Такого гонору я досъ въ корчмѣ маю.

Слѣдуе друга вечера.

Дружбы и дружки складають собѣ вваимно
подарки.

По вечери, выѣираючись до молодого, спѣвае:

Весѣльна дружина:

Выберайже ся наше кохана,
Не поможе ти твое плакана,
Твоѣй гôркій плачь не поможе
Наши конѣ стоятъ въ возѣ
позапрѣганы.

Дружки:

Ищи не буду зъ вами сѣдала,
Бомъ своему вôтцю не дякувала; —
Дякую жъ ти пано отче,
Были завсе у тя госцѣ,
Вôльше не будутъ.

Ищи не буду зъ вами сѣдала,
 Бомъ свойой мамцѣ не дякувала; —
 Дякую-жъ ти панѣ мамо,
 Штось будила мя все рано,
 бѣльше не будешъ.

*)
 Ищи не буду зъ вами сѣдала,
 Бомъ своему брату не дякувала; —
 Дякую жъ ти пане брате,
 Трималамъ ся на тя остро,
 бѣльше не буду.

*)
 Ищи не буду зъ вами сѣдала,
 Бомъ своей сестрѣ не дякувала; —
 Дякую-жъ ти панѣ сестро,
 Трималамъ ся на тя остро,
 бѣльше не буду.

*)
 Ищи не буду зъ вами сѣдала,
 Порогамъ ищимъ не дякувала; —
 Дякую-жъ вамъ два пороги,
 Што ходили мои ноги,
 бѣльше не будутъ.

Свашки:

Виберайся мила, выберайся, зъ нами,
 Але свои злости прилежъ каменями.

Дѣвчата:

Мы тоту дѣвчину при собѣ ховали,
 Але мы о злости ніякой не знали.

Свашки (до вѣтця и матери):

Поскладай мамусю до скринѣ кабаты,
 Бось ей наганяла до тяжкой работы.

Поскладай мамусю до скинѣ приборы,
 Бо южъ поѣдеме до чужой коморы.

*) Передъ каждою строфою спѣвае весѣльна дружина: „Виберайже сл наше кохана“. Въ часѣ того молода розплѣтае волосѣ дружкамъ, щоби (якъ кажуть) вийшли замужъ.

Бо чужда мамуся буде поверати,
Якъ ся ей невѣста буде приберати.

Не здыхай мамусю, не здыхай, не здыхай,
Лемъ ты намъ до скринѣ напыхай, напыхай.

Не плачи нянюсю, не плачи, не плачи,
Лемъ намъ выпроваджай зо стайнѣ рогачи.

Рогачи зо стайнѣ, коничкы зъ машталнѣ
И тоты коровкы, што суть въ стайнѣ крайнѣ.

Выбивай мамусю кѣлки,
Де вѣшала дѣвка вѣнки,
Най ти не заваджають,
Жалю не задавають.

Дѣвчата:

Не буду не буду кѣлки выбивала,
Зѣстала молодша, та буде вѣшала.

Передъ самымъ вѣдѣздомъ, сиѣвае

Весѣльна дружина:

Треба бы намъ, треба, стѣльца широкого,
Бо наша дѣвчина роду великого.

Роду великого, стану малженъского,
Треба бы намъ, треба, стѣльца широкого.

(коли никто не приносить—):

Што то за работа, што то за новина,
Што ся намъ не сходить до стѣльца родина.

(коли доматаръ поставитъ середъ хаты ето-
лецъ и родина молодой на немъ усяде):

Зѣшла ся намъ, зѣшла, цѣла родинонька,
Сѣли намъ на столецъ няню и мамонька.

Звертаеся до музыкѣвъ и до молодой:

Грайте гудацы рѣзко, кланайся дѣвонько низко,
Якъ вѣтцу такъ мамоньцѣ и цѣлѣй родиноньцѣ.

Молода проситъ благословеня.

Свашки (спѣвають):

Прошу васъ мамусю презъ Христовы раны,
Благословте же мя Боскими словами.

(вѣдъ вѣтця и матери):

Нанюсю такъ мовить, мамуся такъ мовить,
Най ты моя дѣвусь Пань Бѣгъ благословить.

Молода зъ плачемъ прощаесь зъ родиною.

Свашки потѣшаютъ ю:

Не плачь дѣвусь, не плачь, не бере ты смаркачь,
Бере ты особа, красна якъ ягода.

Не будешь дѣвусю въ гору воду носиць,
Бо ей будешь мала въ своихъ очахъ досиць.

Не будешь дѣвусю хижу мѣтломъ метла,
Бо тобомъ замете твоя любя свекра.

Не будешь дѣвусю дуже хлѣба печи.
Бо ти го напече твоѣй мужъ медже плечи.

Дружбы хотять брати рѣчи (скриню и перину)
молодой, щобы вынести на вѣзъ.

Дѣвчата:

Кто хоче перину брати, то намъ мусить дукать
[дати.]

Дуката червоного отъ пана молодого.

Дружбы честують дѣвчата горѣвкою и выносятъ скриню на вѣзъ, а потѣмъ засвѣтивши свѣчки, стають въ дверяхъ и зарубуютъ въ столбахъ топорки.

Тымчасомъ молода, розпроцавшись зъ родиною, прощаесь съ дѣвчатами Въ ту хвилию спѣвають

Свашки:

Будте ми здоровы мои товаришкы,
Не буду ходила зъ вами на орѣшкы.

Ани на орѣшки, ани на ягоды,
Будте ми здоровы дѣвчата молоды.

(Коли молода въ дверяхъ):

Будте ми здоровы, вы мои пороги,
Кадила ходжували мои бѣлы ноги,

(на дворѣ):

Будте ми здоровы, горы и долины,
Бо я ся выберамъ отъ своей родины.

Молода дарить всѣхъ присутныхъ хлѣбомъ.

Свашки:

Дякуеме Богу и чесному вѣтцу
За хлѣбъ, за гостину, за ладну дѣвчину.

Мати кропить весѣльныхъ свяченою водою и об-
сыпаетъ вѣвсомъ. Коли весѣльны сѣдаютъ на вѣзъ.

Дѣвчата — до молодого:

Смочь-же собѣ Н.*) якъ будешь газдувавъ,
Жебысь старый овесъ новымъ присыпувавъ.

- До молодой:

Мыслишь си Н.*) же тамъ суть палацы,
А тамъ стара хижа, сами подцѣрачи.
Ни тамъ церкви ни млына,
Лемъ тамъ вовча долина.

Верни ся дѣвусь, верни, бося забыла ключи въ
[зерпѣ,
Въ коморѣ на полицѣ, въ червонѣй рукавици.

Рушаютъ въ дорогу. Дѣвчата причепляютъ
до воза клубокъ нитокъ¹⁾.

Дружбы перешкадкають имъ въ той ро-
ботѣ, и спѣвають:

*) имя молодого.

**) имя молодой.

¹⁾ чтобы снулся; дѣлають то для того, чтобы (якъ го-
ворять) выйти замужъ.

Не рушай конику нѣтъ, бо я тамъ не поѣду
Ани не поѣду, не рушай конику нѣтъ.

Въ дорожѣ до молодого спѣвають

Свашки :

Якъ голубица летѣла,
Златы перечка тратила.

Летѣла она надъ мѣстомъ,
До миленького невѣстомъ.

Ой а якъ назадъ летѣла,
Злоты перечка тратила.

Летѣла она презъ горы
До своей рѣдной матери.

У м о л о д о г о .

Передъ хатою,

Свашки :

Отворъ мамусю хату, веземе невѣсту богату,
Што ма гроши и ролю й на серци добру волю.

Двигаи мамусь, двигаи, до горы полицу,
Бо мы ти ведеме до-хитъ молодицу.

Дѣвчата :

Не буду двигала ищи нязше опуцу,
А свою невѣсту до вшитвого пуцу.

Свашки :

Выйдъ мамусю губата
Иде ти невѣста богата.

Мати выходятъ встрѣтити молодыхъ хлѣбомъ и водою. Молода складае ей „дары“ (хлѣбъ и гроши), мати же кладетъ на головы молодыхъ свой хлѣбъ (значной величины) и впроваждаетъ молодого и молодую до хаты. (Въ ту хвилию стрѣляютъ дружбы).

Въ хатѣ.

Свашки (спѣвають):

Сѣли сме сой, сѣли, на вашу лавицу,
Впровадили сме вамъ до хижъ молодицу.

Ци высте намъ рады, цисте намъ не рады,
Цы ся ту сподобать мѣсцевой челяди.

Панове дружбове идте посѣль слати,
Во ся намъ наператъ панѣ млода спати.

Дружбы тымчасомъ берутъ зъ воза скриню
молодою и ввосьятъ до коморы; въ часѣ того спѣ-
ваюсь:

1. Морозъ, морозъ, велька зима,
Повѣджъ мила, де перина?
Въ коморонцѣ постелена —
Не буду спавъ, бо студена,

2. Товды ся ми товды сердце розвеселить,
Якъ ми моя мила на постели стелить.

Коли въ коморѣ всео приведуть до порядку,
выходить цѣла весѣльна дружина зъ молодымъ
и зъ молодою зъ хаты до коморы. Тутъ свашки
чепятъ („завиваютъ“) молодую¹⁾. Въ часѣ того спѣ-
ваютъ розличного рода пѣсни:

Дружбы: 1. Ой на ярку, на ярку,
Тамъ въ мѣсцѣ на ярмарку,
Проходжу ся по пѣдъ крамъ?
Ште ти дѣвча дати мамъ.

Свашки: Не купуй мы орѣшкы,
То великы посмѣшкы,
Лемъ ты ми купъ галунокъ,
Невеликій, за дудокъ.

¹⁾ Треба замѣтити, що давнѣйше молодый и молода
пишли на спочинокъ и доперва пѣднѣйше чепили свашки
молоду, пинѣ же для скорочена весѣля сейчасъ чепятъ
молоду. При томъ молодой дарить молоду хустною, а мо-
лода дарить молодого сорочкою.

Дружбы: 2. Пери́на хлопцѣ, пери́на,
 А въ тѣй пери́нѣ ялина,
 А въ тѣй ялинѣ есть ли́сця —
 Яке то ладне невѣсця.

Хоръ: 3. А за нашо́мъ хижомъ ко́па сьена,
 Вчера́ была дѣвка, гвѣски жена,
 Вчера́ была дѣвка заплетена
 А гвѣски невѣста почѣплена.

Херъ: На зеленѣй пасѣцѣ
 Розмарія́ квітне,
 А чіе жѣ то дѣвчатко
 Въ коморѣ́ завитѣ.

А кто же го завивавъ?
 Кто за нимъ банувавъ?
 А ищи́ бы банувавъ,
 Але южѣ́ го доставъ.

По „заветію“ молодо́и, весѣ́льна дружина́ вы-
 ходи́ть изъ ко́мори,

Южѣ́ иде́ме зъ ко́моро́ньки,
 Дайте́ же на́мъ зорѣ́воньки,
 Зробили́сме зъ дѣ́вки же́ну,
 Веде́ме ой́ почѣ́пчену.

Молодо́й и моло́да иду́тъ мы́тися на рѣ́ку,
 а зъ ни́ми весѣ́льна дру́жина зъ му́зикою.

Свашки (спѣ́вають):

Иду́тъ ся на́мъ молодя́та мы́ти,
 Дай имъ́ Бо́же до́вго жи́ти.

(при рѣ́цѣ):

Зни́дь-же Бо́же зъ не́ба
 Бо́ ты на́мъ ту́ тре́ба;
 Освя́тити во́ду,
 Мы́ти паню́ мло́ду.

Моло́да наби́рае до ко́новки во́ды и верта́е
 до́мѡвъ о́крѣпiti хату¹⁾.

¹⁾ Дружбы́ пере́шкаджаю́тъ ой́ въ тѣ́й ро́ботѣ и хо-
 тять въ не́й ти во́ду, а коли́ во́йдуть до хаты́, хотять то́пѡд-

Свашки (спѣвають):

Иде наша панѣ млода зъ водомъ;
Дай ей Боже жити зъ згодомъ.

Молода окропивши воколо хату, выливаетъ
остатки воды въ хатѣ подъ столъ.

Слѣдующее угощенье дружины и гостей.

Когда то скѣнчится, молода стае на столѣ
и зъ „балцемъ“ на головѣ обертается кругомъ.

На дворѣ стрѣляютъ дружбы, въ хатѣ шумъ
и крикъ; („vivat“ молода).

Свашки (спѣвають):

Въ загорѣдцѣ зѣля, а въ хижѣ весѣля,
А на подѣ ярецъ, а на столѣ балецъ.

Въ загорѣдцѣ зѣля, а въ хижѣ весѣля,
Бѣля хижѣ мата, ту дѣвчина взята.

Слѣдующее угощенье гостей „балцемъ“ на передѣ
родины, потомъ гостей (молодого), наконецъ „приданцевъ“,
что надходятъ отъ молодои. при чѣмъ всѣ складаютъ молодому и молодой
желанья.

„П р и д а н ы“.

Когда весѣльна дружина зъ молодымъ и зъ
молодою вѣдѣде зъ дому молодои, отецъ и ма-
ти (молодой) запрашиваютъ гостей, зъ которыми,
зъ дружбою „молодшими“ або зъ маршалкомъ¹⁾
во главѣ, удаются до дому молодого.

Передъ хатою спѣвають:

Приданы: Идемѣ, идемѣ зъ горы до долины.
Идемѣ глядати новѣтней родины.

нами разбурити рѣгъ печи (щобъ молода зѣпина), толь ю,
що газдыня честуе ихъ горѣвкою и въ той способъ „вы-
купуе“ печь.

¹⁾ который по вѣдѣдѣ дружины остается у родичѣвъ
„молодой“.

Вербина, вербина, зелена вербина,
Выйдѣ-же ты дѣвонько, иде ти родина.

Ой иде ти иде, цѣла родинонька,
Ой идутъ ти, идутъ, нявѣо и мамонька.

(до матери):

Слѣдомъ, мамусю, слѣдомъ,
За своимъ любимъ чадомъ.

Свашки (въ сѣни):

Южъ зме вамъ чадо взяли,
Южъ зме го перебрали,
Штобысте не познали.

Приданы: Якъ бысме не познали
Кой мы го выховали.

Вчера зме вамъ дали
Въ зеленѣомъ вѣночку,
Гнески го видиме
Въ бѣлѣцькѣомъ чепочку.

Дѣвчата (въ сѣни):

Втѣчте въ поле бараны,
Бо васъ зѣѣдятъ приданы.

Приданы: Не бѣйтеся бараны,
Сыты идутъ приданы.

Бо мы забили вола,
То сме го зѣѣли дома.

Забилисме корову,
Взялисме на дорогу.

Дѣвчата: Пришли намъ приданы,
Што мы имъ ту ѣсти даме,
Нарубаме дрѣбныхъ трѣсокъ,
Насыплеме на сѣмъ мисокъ.

Идутъ намъ приданы,
 Што имъ ѣсти даме,
 Рѣва некопана,
 Морковъ нескрептана,
 Пшеницу зѣли мыши,
 Што была на кныши.

Приданы: Што дате намъ, то дайте,
 Лемъ честь не отберайте,
 Босте намъ ей не дали,
 Жебысте отбери.

Вербина, вербина, зелена вербина,
 Выходжай дѣвчино, иде ти родина.

Засвѣчай дѣвусю свѣчечку воскову,
 Запрашай родичѣвъ до своего дому.

Доматаръ отвирае замкнены двери и „приданцѣ“ входятъ до сѣни. Тутъ молодой и молодая выходятъ имъ на встрѣчу и витають родичѣвъ и „приданцѣвъ“, (котры дарять ихъ грѣшми) Доматаръ честуе приданцѣвъ горѣвкою и запрашае въ хату.

Въ хатѣ наѣвши и напившись¹⁾, выходятъ потѣмъ приданы (до сѣни) на танцѣ; тогда спѣвають:

Танцовали шевцѣ,
 Танцовали кравцѣ,
 Теперь си танцуютъ
 Панове приданцѣ.

Заграй же ми потряску,
 Бомъ стратила — червена ружа.
 Дробна фіялка — запаску.

Заграй же ми ищи разъ,
 Бомъ стратила — червена ружа,
 Дробна фіялка — другу засъ.

¹⁾ всѣ, що ѣдятъ и пьютъ (якъ хлѣбъ, масло, сирт, пиво, горѣвку) приносятъ зъ собою.

Яку? — таку съ вѣѣтками,
 Штомъ принесла — червена ружа
 Дробна фіялка — отъ мамы.

По тавцякъ слѣдуе угощенье приданпѣвъ и всѣхъ гостей, потѣмъ приданцѣ расходятся до-мѣвъ, а весѣльна дружина зъ молодымъ и моло-дою удаеся до дому молодои, где слѣдуе даль-ня забава, звана „притулинаме“. — Весѣлье кѣн-чится звычайно тамъ (т. е. въ дому молодого, або молодои), где новоженцѣ мають провадити господарство.



Пѣсни на Ивана Купала.

I.

Ой на Яна на Янонька,
Купала ся Купалонька.
Купаючись затапала,
На Янонька закликала.

Ой Яноньку, ой чадоньку,
Подай же ты ми рученьку,
Подай ручку, подай обѣ,
Притуль же ты мене къ собѣ.

II.

На розтоцѣ, на потоцѣ
Два голубы воду пили
Пили, пили и злетѣли
На лелію собѣ сѣли.

На лелію собѣ сѣли,
Крылоньками злопотѣли,
Почали си гуторити,
Кого мають съ кимъ злучити.

Есть тамъ въ¹⁾.... *)....
А въ²⁾.... *)....
Треба бы ихъ вразъ злучити
И на Бога поручити.

А е въ Вана красна Марыся,
А е въ Феська е красный Антосьо!

Треба бы ихъ вразъ злучити —
И на Бога поручити.

И на Бога и на люди,
Нехъ Антосьо Марысю любить.

Першій выпускъ „Лемкѣвскаго спѣванника“ розбѣйшовся уже на стѣлько, що находимося въ можности выдати другій выпускъ, въ котрый входятъ весѣльные пѣсни Лемкѣвъ, якъ также ихъ весѣльные звычай и обряды. На третій выпускъ надимо „Легенды“ и „Баляды“.

Зъ огляду на то, що не лишъ Лемки, але въ загалѣ всѣ Галичане, ба навѣть чужи люди, интересуются лемкѣвскимъ говоромъ, рѣшили мы выдати по можности всѣ лемкѣвскіи спѣванки, а потѣмъ также выдавати книжочки просвѣтительно-научныи на лемкѣвскѣмъ говорѣ. Для того просимо всѣхъ, кто знае лемкѣвскій говоръ, присылати намъ передовсѣмъ народныи пѣсни а потѣмъ также всякого рода белетристичныи труды, якъ оповѣданя зъ народного жита, повѣсти, театральныи пьесы на лемкѣвскѣмъ діалектѣ, а мы постараемось все то по черзѣ печатати.

Свѣдомыхъ селянъ Лемкѣвщины просимо ширити нашъ „Лемкѣвскій Спѣванникъ“ вѣдъ хаты до хаты — зъ рукъ до рукъ.

Виданництво.

Книжки для народа!

Марокъ

1) Колосъе (литер. часть „Русск. Календаря)	80
2) Гумористичный сборникъ въ 2 частяхъ	80
3) Ворожба и Сонникъ	15
4) Самдучитель нѣмецкого языка	20
5) Для отрады, монолога и кули. въ 2 част.	20
6) Соперники, драма въ 5 актахъ	15
7) Счастливый чоловікъ, комедія въ 1 актѣ	10
8) Хлопскій сынъ, штука 1 акт.	10
9) Въ XX. год. смерти Ив. Наумовича	8
10) Предатель, драма Недолева	10
11) Женитьба сродника, ком. Недолева	10
12) Бабскій бунтъ, ком. 1. Я. Луцкыя	15
13) До свѣтла, сцен. образъ	10
14) Чоловѣкъ, що редагувавъ газету	10
15) Пѣиста, драма въ 2 акт.	10
16) Процавъ беффердерубовъ, штука	10
17) Маркеранты, штука	10
18) За вѣру отцовъ, повѣсть	8
19) Въ той самой хатѣ	10
20) Життя Святыхъ, на всѣ дни року	50
21) Календари на 1921 р. въ цѣнѣ отъ	15
22) Лемковскій співанникъ, вип. I.	15
23) Лемковскіе весѣлье (співанники) вип. II.	20
24) З під рідної стріхи, воєнні і др. вірші	15
25) Смерть Довбуша, поема	15
26) Подарокъ сельскимъ госнодинямъ, приписки для вареня, дом. отравъ, печени хлѣ- ба и другія порады для веденя дом. хозяйства. — 1 прим.	20

Открытки:

1) Русскія поговорки въ дѣтскихъ картин- кахъ 10 шт.	40
2) Открытки изъ картинъ Третьяк. гал. 10 шт.	40
3) „Христосъ воскресъ“ 20 отир.	60
4) Типы и виды Галичанъ, 10 отир.	15
5) Въ день ангела—многояз. ялта, 10 отир.	20
Высылаю за попереднимъ надбланшемъ наложенности (на оплату почтовою долучита 10—20 М.).	

Гр. Ганулякъ

Львблз, ул. Куркова 10.